



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
Ustavno pravna komisija

Broj: 01/1-011-379/01
Sarajevo, 5.7.2001.

Primljeno: 11.07.2001		
Org. jed.	Broj	Prilog
01/1-011-379/01		

H

ZAPISNIK
sa desete sjednice Ustavno - pravne komisije

Sjednica je održana dana 5.7.2001. sa početkom u 16,00 sati.

Sjednici su bili nazočni:

- | | |
|--------------------|--------------------------|
| 1. Mirko Banjac | 6. Željko Bilbija |
| 2. Bogić Bogićević | 7. Hilmo Neimarlija |
| 3. Mariofil Ljubić | 8. Mirko Mijatović i |
| 4. Muhamed Begović | 9. Miro Grabovac - Titan |
| 5. Osman Brka | |

U svojstvu predstavnika predlagača Vijeća ministara BiH sjednici su bili nazočni: Sena Hatibović, Amir Pilav i Neven Kurtović

Sjednici su takođe bili nazočni zaposleni u stručnoj službi Zastupničkog doma Parlamentarne skupštine BiH: Vedran Hadžović i Milan Zjajić.

Zbog problema u putu Predsjedavajući Mirko Banjac je zakasnio, tako da je sjednicom predsjedavao Prvi zamjenik predsjedatelja Muhamed Begović i predložio je sljedeći

DNEVNI RED:

1. Verificiranje zapisnika: sa VII sjednice Ustavno-pravne komisije Zastupničkog doma Parlamentarne skupštine BiH održane 30.5.2001.godine, VIII sjednice održane 1./2.6.2001.godine i IX sjednice održane 20.6.2001.godine,
2. Izbor II Zamjenika predsjedatelja Ustavno-pravne komisije,
3. Prijedlog zakona o tužiteljstvu BiH, (Ustavno-pravna)
4. Prijedlog zakona o važnosti javnih isprava u BiH, (Ustavno-pravna)
5. Prijedlog zakona o pravima nacionalnih manjina u BiH, (Ljudska prava)
6. Prijedlog zakona o industrijskom vlasništvu u BiH, (Financije i proračun)
7. Prijedlog zakona o zaštiti potrošača u BiH, (Ljudska prava)
8. Eventualna pitanja.

Prvi zamjenik predsjedatelja je predložio da se pod točkom dnevnog reda 8. raspravlja o Urgenciji Pravne službe Vijeća ministara BiH o nadležnosti za utvrđivanje prečišćenih tekstova zakona i općih akata.

Predloženi dnevni red je jedoglasno prihvaćen.

Prije prelaska na devni red član komisije gospodin Osman Brka je iznio primjedbu na termin zakazivanja sjednice, jer je po njemu neprimjeren i predložio da se ubuduće sjednice zakazuju i održavaju isključivo u prijedpodnevnim satima.

Potom je član komisije gospodin Miro Grabovac Titan iznio primjedbu da nedobija materijale za sjednicu na hrvatskom jeziku.

Nakon kraće rasprave Ustavno-pravna komisija je jednoglasno zaključila da se sjednice zakazuju i održavaju u prijedpodnevnim satima i da se u skladu sa Poslovnikom Zastupničkog doma i Ustavom BiH materijali dostavljaju na jezicima sva tri konstitutivna naroda u BiH.

Ad. 1.

Ustavno-pravna komisija je jednoglasno, bez primjedbi, verificirala zapisnike sa 7.; 8.; i 9. sjednice.

Ad. 2.

Na prijedlog člana komisije gospodina Mire Grabovca-Titana za Drugog zamjenika predsjedatelja Ustavno-pravne komisije Zastupničkog doma Parlamentarne skupštine BiH izabran je gospodin Mariofil Ljubić.

Ad. 3.

Pošto se na poziv za raspravu o Prijedlogu zakona o tužiteljstvu BiH niko nije javio, na prijedlog Prvog zamjenika predsjedatelja gospodina Begovića Ustavno-pravna komisija je jednoglasno usvojila da postoji valjan ustavni osnov za donošenje ovog zakona i da je ponuđeni tekst usklađen sa Ustavom BiH i da se može uputiti u dalju proceduru usvajanja.

Ad. 4.

Nakon kraće rasprave u kojoj su učestvovali predstavnik predlagača, Prvi zamjenik predsjedatelja, te članovi komisije: Mirko Mijatović, Miro Grabovac – Titan, Željko Bilbija i Mariofil Ljubić riješena je dilema da se na ovoj sjednici raspravlja samo o postojanju ustavnog osnova i usklađenosti ponuđenog teksta sa Ustavom BiH, a da će se o uložnim amandmanima kasnije raspravljati. Ustavno-pravna komisija je jednoglasno usvojila da postoji valjan ustavni osnov za donošenje ovog zakona i da je ponuđeni tekst usklađen sa Ustavom BiH i da se Prijedlog zakona o važnosti javnih isprava može uputiti u dalju proceduru usvajanja.

Ad. 5.

Na poziv Prvog zamjenika predsjedatelja za raspravu na Prijedlog zakona o pravima nacionalnih manjina u BiH nije bilo kandidata pa je Ustavno-pravna komisija jednoglasno usvojila da postoji valjan ustavni osnov za donošenje ovog zakona i da je ponuđeni tekst usklađen sa Ustavom BiH i da se ponuđeni tekst zakona može uputiti u dalju proceduru usvajanja.

Ad. 6.

Nakon kratkog izlaganja predstavnika predlagača o Prijedlogu zakona o industrijskom vlasništvu u BiH, Ustavno-pravna komisija je jednoglasno usvojila da postoji valjan ustavni osnov za donošenje ovog zakona i da je ponuđeni tekst usklađen sa Ustavom BiH i da se može uputiti u dalju proceduru usvajanja.

Ad. 7.

Nakon kratkog izlaganja predstavnika predlagača o Prijedlogu zakona o zaštiti potrošača u BiH, Ustavno-pravna komisija je jednoglasno usvojila da postoji valjan ustavni

osnov za donošenje ovog zakona i da je ponuđeni tekst usklađen sa Ustavom BiH i da se može uputiti u dalju proceduru usvajanja.

Ad. 8.

Nakon što je Milan Zjajić pročitao dopis od Pravne službe Vijeća ministara BiH o utvrđivanju tijela Parlamentarne skupštine BiH nadležnog za utvrđivanje prečišćenih tekstova zakona, drugih propisa i općih akata Parlamentarne skupštine BiH, razvila se široka rasprava u kojoj su pored Prvog zamjenika predsjedatelja učestvovali: Vedran Hadžović, Mirko Banjac, Hilmo Neimarlija, Mirko Mijatović i Bogić Bogićević. Većina učesnika u diskusiji se više puta javljala za riječ.

Ustavno-pravna komisija Zastupničkog doma Parlamentarne skupštine BiH je konstatovala da navedeno pitanje nije riješeno Poslovnikom i da shodno tome samo Parlamentarna skupština može na odgovarajući način normirati ovo pitanje. U aktu kojim bi se ovo pitanje normiralo mora biti utvrđeno pravo predlaganja za utvrđivanje prečišćenih tekstova, mogućnost formiranja potkomisija sastavljenih od eksperata za svaki pojedinačni slučaj i nadležnost Ustavno-pravne komisije da odobrava prečišćeni tekst.

Prvi zamjenik predsjedatelja zaključio je desetu sjednicu u 17,00 sati.

PRVI ZAMJENIK
PREDSJEDATELJA KOMISIJE
Muhamed Begović